

միութուն», որը Հարեշատան հասած գաղթականներին ընդունում և ապահովում էր աշխատանքով: Հայ ռադագիր բեկորների օգտին հանգանակություն կատարեցին նաև Հնդկաստանի, Ինդոնեզիայի և Բիրմայի հայկական համայնքները: Միայն Ռանգունի «Հայ բարեգործական միությունը» 1915 թ. հունիսին հավաքեց 18 հազար ռուպլի: Բիրմայի հայ համայնքները մեծ օգնություն ցույց տվին Հեռավոր Արևելքի երկրները հասած հազարավոր աղետլայներին Ամերիկա տեղափոխելու գործում: Ավստրալիայի հայկական գաղութը միայն առաջին հանգանակության ժամանակ հավաքեց 25 հազար անգլիական ոսկի:

Սակայն հավաքված ընդհանուր գումարը շատ քիչ էր աշխարհով մեկ սփռված հարյուր-հազարավոր հայերի ծանր վիճակը թեթևացնելու համար:

6. ՄԻՋԱՂԳԱՅԻՆ ԴԻՎԱՆԱԳԻՏՈՒԹՅՈՒՆԸ ԵՎ ՀԱՅԿԱԿԱՆ ՀԱՐՑԸ ՊԱՏԵՐԱՉՄԻ ՏԱՐԻՆՆՐՈՒ

Անտանտայի պետությունները թիպետե բազմիցս հայտարարել էին, որ կօգնեն հայերին իրականացնելու նրանց ազգային ձգտումները, սակայն, ինչպես միշտ, այս անգամ ևս օգտագործեցին հայերի թափած արյունը՝ իրենց նվաճողական նպատակներին հասնելու համար: Նրանք ամենևին էլ մտադիր չէին պատերազմի հաղթական ավարտից հետո անկախություն կամ ինքնավարություն տալ Արևմտյան Հայաստանին, ինչպես նաև Թուրքիայի լճի տակ հեծող մյուս ժողովուրդներին: Այդ մասին են վկայում Անգլիայի ու Ֆրանսիայի, իսկ այնուհետև Ռուսաստանի միջև տեղի ունեցած գաղտնի բանակցություններն Օսմանյան կայսրության և, մասնավորապես, նրա արարական տերիտորիաների, Արևմտյան Հայաստանի ու Կիլիկիայի ենթագտերազմյան բաժանման մասին:

Բանակցություններն սկսվեցին 1915 թ. դեկտեմբերին՝ լռելուծում: Անգլիայի ներկայացուցիչն էր մերձավոր արևելյան հարցերի գծով փորձագետ Մայքլ Սայքսը, Ֆրանսիայինը՝ Բելյուրի նախկին ղլխավոր հյուպատոս Ժորժ Պիկոն: Բանակցությունները վեր հանեցին այն խոր հակասությունները, որոնք առկա էին Անգլիայի ու Ֆրանսիայի միջև՝ արարական տերիտորիաների բաժանման հարցում: Երկար սակարկությունից հետո, 1916 թ. փետրվարին կնքվեց մի համաձայնագիր, որով զաշնակիցների կողմից պատերազմը շահելու դեպքում ներքին և հարավային Միջագետքում (Բաղդադի հետ միասին) հաստատվելու էր անգլիական տիրապետություն, իսկ արևմտյան Միջագետքը, Լիբանանը, Կիլիկիան, Ալեքսանդր, Ուրֆան, Մարդինը, Դիարբեքը և Հեքյարիի սանջակը հանձնվելու էին Ֆրանսիային: Արևելյան Սիրիան ու Մոսուլի վիլայեթը կազմելու էին Ֆրանսիայի ազդեցության ոլորտը, իսկ Պաղեստինը՝ հանձնվելու էր զաշնակիցների համատեղ կառավարմանը¹⁰⁵:

1916 թ. փետրվարին ռուսական Կովկասյան բանակն արագ թափով առաջ շարժվելով, մոտեցավ Միջագետքի ու Սիրիայի սահմաններին: Երկուդ կրելով, որ ռուսական զորքերը հեշտությամբ կարող են թափանցել արարական երկրները, լինգլիան ու Ֆրանսիան որոշեցին այդ երկրների բաժանման մասին քնդուծած իրենց որոշումները համաձայնեցնել Ռուսաստանի հետ: 1916 թ.

¹⁰⁵ «Раздел Азиатской Турции по секретным документам бывшего министерства иностранных дел». Под ред. Е. А. Адамова. М., 1924. док. № XXV.

գարնանը Սալբուր և Պիկոն Պետրոգրադում բանակցությունների մեջ մտան ցարական կառավարության ներկայացուցիչների հետ։ Արդյունքն այն եղավ, որ Ռուսաստանը, ստանալով Անգլիայի ու Ֆրանսիայի ներկայացուցիչների համաձայնությունը՝ պատերազմի հաղթական ավարտից հետո կարող էր կայսրությունը միացնել էրզրումի, Տրապիզոնի, Վանի, Բիթլիսի վիլայեթները, ապրիլի 26-ին իր ստորագրությունը դրեց Սալբու-Պիկոյի պայմանագրի տակ¹⁰⁶։ Այդ պայմանագրում ոչ մի տեղ «Հայաստան» անունը չէր երևում։

1916 թ. օգոստոսից անգլո-ֆրանս-ռուսական պայմանագրին միացավ և Իտալիան, որը Թուրքիայի դեմ պատերազմի մեջ էր մտել Անտանտայի պետությունների կազմում։ Նախքան այդ պայմանագրին միանալը, բանակցությունների ժամանակ Իտալիան պահանջում էր, որ պատերազմի հաղթական ավարտից հետո իրեն անցնի Փոքրասիական թերակղզու հարավային մասը՝ Կիլիկիայի Ադանա և Մերսին քաղաքներով։ Բայց քանի որ Կիլիկիան անցնելու էր Ֆրանսիային, ապա Անտանտայի պետությունները Իտալիային խոստացան Անատոլիայի հարավ-արևմտյան մասը՝ Ջմյուռնիա, Ալզիր, Կոնիա և Ադալիա քաղաքներով։

Նշված պայմանագիրը կնքվեց արաբ և հայ ժողովուրդներից զաղտնի. այն լրիվ չեղյալ էր հայտարարում արաբական երկրների, Արևմտյան Հայաստանի և Կիլիկիայի անկախության մասին Անգլիայի, Ֆրանսիայի և Ռուսաստանի արած բոլոր հայտարարությունները։ Անտանտայի զաղտնաբարձրներին ձեռնտու էր, որ թուրք շարժարարներն Արևմտյան Հայաստանը և Կիլիկիան մաքրագործել էին հայերից և դրանով իսկ դյուրացրել «Հայաստանն առանց հայերի» իրար մեջ բաժանելու և ուղղակի իրենց տիրապետություններին կցելու խնդիրը։ «Փաստը այն է, — գրել է «Բանվորի խոսք» թերթը, — որ փոքր ազգությունների ազատության նշանաբանի իմպերիալիստական ջատագովներից և ոչ մեկը չի կամեցել փոքր ազգություններից և ոչ մեկի ցանկությունը հաշվի առնել՝ յուր զաղտագողի պայմանագրերը շարադրելիս»¹⁰⁷։

Չնայած այդ անդրկուլիսյան գործարքներին, Անտանտայի պետությունները շարունակում էին խաբել հայերին, թե կիրականացնեն նրանց ազգային ձգտումները «Հայանպաստ» պլատոնական ճառերով ու հայտարարություններով շարունակում էին հանդես գալ ֆրանսիական իմպերիալիստների պարագլուխներ Կլեմանսոն, Բրիանը, անգլիական զաղտնալավական քաղաքականության կենսագործողներ Լոյդ Ջորջը, Բալֆուրը, Քերզոնը, ռուսական կայսր Նիկոլայ II-ն ու նրա արտաքին գործերի մինիստր Սազոնովը և շատ ուրիշներ։ Նրանք բոլորն էլ խոսքով հանդես էին գալիս «խթնավար Հայաստանի» ստեղծման օգտին, հայերի «պաշտպանների» ղեկում, մինչդեռ իրականում հետամուտ էին միայն իրենց իմպերիալիստական նպատակներին։ Այսպես, Սազոնովը բացեիրաց հայտարարում էր. «Մեր ուղղակի շահն է պաշտպանել հայերին՝ Մենք դա անում ենք, իհարկե, ոչ թե ձեր (ղիմելով հայերին) գեղեցիկ աչքերի համար, այլ ունենք մեր քաղաքական շահերը»¹⁰⁸։ Մի այլ առիթով նա գրում էր Կովկասի փոխարքա Նիկոլայ Նիկոլաևիչին. «Ենչ վերաբերում է հայերին լայն ինքնավարություն տալուն, ապա պետք չէ մո-

106 Տե՛ս նույն տեղում, փաստ. №№ XCII, XCVII, XCVIII.

107 «Բանվորի խոսք», 1918, № 1.

108 21112 ԿՊՊԱ, ֆ. 57, ց. 2, գ. 685, ք. 106.

ռանալ, որ Մեծ Հայաստանի մեջ, որն այժմ նվաճել է Ռուսաստանը, հայերը երբեք մեծամասնություն չեն կազմել, իսկ այն պատժիչ միջոցներից հետո, որ թուրքերը գործադրեցին նրանց վերաբերմամբ պատերազմի ժամանակ... թվական այս հարաբերությունն է՛լ ավելի փոխվեց ի վնաս հայերի, որոնք ներկայումս դժվար թե կազմեն բնակչության նույնիսկ $\frac{1}{4}$ մասը: Անուհետև արդարության այդ «պաշտպանը» գրում էր, որ «այդպիսի պայմաններում հայերի ինքնավարությունն իրապես այն անարգար հետևանքը կունենա, որ փոքրամասնությունը կստրկացնի մեծամասնություն կազմող տարրը»¹⁰⁹, Փոխարքան 1916 թ. հուլիսի իր պատասխանում լիովին համամիտ էր Սադո-նովի հետ, գտնելով, որ Արևմտյան Հայաստանի հարցը լուծված է հայերի բնաջնջումով:

Հայկական հարցը լուծված էին համարում նաև Ֆրանսիայի ու Անգլիայի պետական ու ղեկավանգիտական գործիչները, շնայած շարունակում էին շահարկել այդ խեղդիր: Արևմտյան Հայաստանը և Կիլիկիան բաժանելուց հետո Բրիտանի երեսպաշտոնին հայտարարում էր. «Ենչի արդար հատուցման մասը, Ֆրանսիան չպիտի մոռանա հայ ժողովրդի ցավագին փորձությունները և, իր զաշնակիցների հետ համախորհուրդ, ձեռք կառնի հարկ եղած միջոցները՝ ապահովելու համար նրան խաղաղություն և բարգաձման կյանք»¹¹⁰: Նույն Բրիտանը 1916 թ. մարտի 12-ին Ամենայն Հայոց կաթողիկոսին ուղղած նամակում հավաստիացնում էր. «Ձերը սրբությունը կարող է վստահ լինել և հավատացած, որ զաշնակից պետությունների համահաճությամբ այս միևնույն ղզացումներով կձեռնարկեն նա հայ ժողովրդին ընձեռնելու օրինական հատուցումներ, երբ հանգամանքներն այդ ներկու լինեն»¹¹¹: Կլեմանտոն հայտարարում էր, թե Ֆրանսիան շարունակում է «հայ ազգը հաշվել այն ժողովուրդների շարքում, որոնց բախտը զաշնակիցները մտադիր են վճել մարդկայնության և արդարության բարձրագույն կանոններին համեմատ»:

Անգլիայի վարչապետ Ասքվիթը 1916 թ. նոյեմբերին հայտարարում էր, թե իբր Անգլիայի նպատակն է վերջ տալ թուրքական տիրապետությանը, ստեղծելով հայերի համար «ազատ երկիր»: Իսկ Լոյդ Ջորջը հուսադրում էր հայերին, ասելով թե «Մեծ Բրիտանիայի կառավարությունը չի մոռանա իր պատասխանատվությունը Ձեր մարտիրոս ցեղի հանդեպ»¹¹²:

Հայ ազգային կուսակցությունները և տարբեր հասարակական կազմակերպությունները շարունակում էին կուրորեն հավատալ Անտանտայի պետությունների պետական և ղեկավանգիտական գործիչների հայասիրական կեղծ ճառերին և խոստումներին: Այսպես, Ազգային պատվիրակությունը, որն ստեղծվել էր տակավին Բալկանյան պատերազմի տարիներին Հայկական հարցը բարձրացնելու նպատակով՝ Պողոս Նուբար փառալի նախագահությամբ ու Արշակ Չոպանյանի, Վահան Թեքեյանի, Գաբրիել Նորատունկյանի, Միհրան Տամատյանի և ուրիշների անդամակցությամբ, պատերազմի տարիներին բախում էին Անտանտայի երկրների ղոները և աղերսում, որ նրանք Արևմտ-

109 «Раздел Азиатской Турции...», стр. 209.

110 ՀՍՍՀ ԳԱ «Տեղեկագիր» հասարակական գիտությունների, 1962, № 6, էջ 50—51:

111 ՏԵՊ Ա. Կաթիկոս, Իմպերիալիստական պատերազմը և Հայաստանը, Երևան, 1926, Հավելված, էջ 43:

112 ՀՍՍՀ ԿԳՊԱ, ֆ. 2, ց. 3195, ք. 61:

յան Հայաստանի ու Կիլիկիայի տարածքից ստեղծեն Հայկական ինքնավարության իրենց հովանավորության ներքո:

Պողոս Նուբար փաշան 1915 թ. հուլիսին անգլիական մի քանի գործիչների հետ ունեցած հանդիպումներից ողբերկած գրում էր. «Մեր զատը Ռուսիո, Յրանսիայի և Անգլիո համակրությունը կվայելի»¹¹³:

Պողոս Նուբարը 1916 թ. դեկտեմբերի 14-ին Չորրորդ պետական դամայի անդամ Պապազնյանին հղած իր նամակում գրում էր. «Ես հանրապետության (Յրանսիայի—խմբ.) կառավարությունից ստացել եմ պաշտոնական հավաստիներ, թե հաղթանակից հետո մեր ազգային ձգտումները կստանան լիակատար բավարարություն»¹¹⁴, և վերջում ավելացնում, որ նրան հայտնի է դաշնակիցների միջև կնքված համաձայնագիրը, որով վեց վիլայեթները և Կիլիկիան չեն կազմելու մի ամբողջություն, նրանց մի մասը տրվելու է Ռուսաստանին, իսկ մյուս մասը (Կիլիկիա)՝ Յրանսիային: «Մենք կարող ենք հուսալ,— եզրակացնում էր Պողոս Նուբարը,— որ Յրանսիայի հովանավորության տակ տրված տեղական լայն ինքնավարության շնորհումով այնտեղ կիրադրվեն մեր բազմաերևույթներ»¹¹⁵:

Առաջին համաշխարհային պատերազմի ընթացքում դաշնակիցների արած խոստումնային հայտարարությունները և հետագայում միջազգային տարբեր կոնֆերանսներում Հայկական հարցի մասին ընդունած մի շարք բանաձևերը ցույց տվեցին, որ մեծ տերությունները երբեք միտք չեն ունեցել իրապես օգնել արևմտահայերին՝ ազատագրվելու թուրքական բռնակալությունից: Նրանք մշտապես օգտագործում էին Հայկական հարցը միայն Օսմանյան կայսրության նկատմամբ հեռուն միտող իրենց նվաճողական պլաններն իրագործելու նպատակով: Հայկական հարցի մեջ կատարված այդ խաղը հանգեցրեց ոչ թե Արևմտյան Հայաստանի ազատագրմանը, այլ վերջին հաշվով օգնեց թուրքերին՝ բարբարոսաբար բնաջնջելու հայ ժողովրդի արևմտյան հատվածը:

7. ԿՈՒՍԱԿՑՈՒԹՅՈՒՆՆԵՐԻ ՎԵՐԱԲԵՐՄՈՒՆՔԸ ԴԵՊԻ ՊԱՏԵՐԱԶՄԸ

Առաջին համաշխարհային պատերազմի հենց սկզբից նրկորդ ինտերնացիոնալի կուսակցությունների առաջնորդները բացահայտորեն անցան իմպերիալիստական բուրժուազիայի լազերը: Գերմանիայի սոցիալ-դեմոկրատական կուսակցության պարագլուխները 1914 թ. օգոստոսի 4-ին Ռայխստագում քվեարկեցին հօգուտ ռազմական վարկերի, Գերմանական և ավստրո-հունգարական սոցիալ-դեմոկրատների վերնախավը փորձում էր ցույց տալ, որ Գերմանիան և Ավստրո-Հունգարիան «արգար» պատերազմ են մղում հանուն հայրենիքի ազատության և կուլտուրայի պահպանման, հանուն Անգլիայի ու Ռուսաստանի տիրապետության տակ գտնվող ժողովուրդների «ազատագրման»:

Յրանսիայի և Բելգիայի սոցիալ-դեմոկրատական կուսակցությունների ղեկավարները, հավանություն տալով իրենց կառավարությունների մասնակցությանը պատերազմին, «արժանացան» մինիստրական աթոռների: Անգլիա-

113 ՄՍՀ ԿԳՊԱ, ֆ. 57, ց. 2, գ. 669, ք. 42:

114 ՏՆ՝ Ան, Անցյալից հուշեր, Թիֆլիս, 1925, էջ 349:

115 Նույն տեղում, էջ 350: